

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2680 del 19/09/2023

Traduzione in mòcheno

“Konzert Euregio”, gester kan Auditorium va Trea’t de jungen musikanten van drai lander

Nomitto kein zobenz van sunta as de 17 van leistagest kan auditorium S.Chiera va Trea’t ist kemmen gamòcht der konzert va de Musikschnaln van Euregio, an trèff as schea ist gaben ver de lait as sai’ kemmen za lisen. De toalnemmer sai’ gaben junga musikanten van drai lander. En u’vong hon gagaik de Banda Giovanile SM “A.Vivaldi” va Poazn, augongen pet en Music Camp van 2022 pet junga toalnemmer van 12 finz as de 17 jor, derno de musik van viar junga sassofonistn JuNoMoDa4, va de Musikschule Überetsch Mittleres Etschtal, zommgaleik en 2021 en de Musik Schual Unterland, as hòt gamòcht an schouber konkursn as guat gongen sai’, konzertn ont video. Derno nou de Gesangstudio Do-RE-MI va de Landesmusikschule Telfs, bou as de kinder va de 5 as de 15 jor learnen za gaing, singen, ont teatro mòchen. Derno der original grupp pet vinf gaing van Accordions Ensemble va de Musik Schual van Primiero. S hòt sperrt der konzert de Jung Orchestra van Archi van Euregio, gamcòht va 30 junga van Musik Schnaln van Trentin, van Tirol ont Sudtirol, junga va 11 finz as de 15 jor. En trèff hòt toalganòmmen de general sekretare van Euregio de Elisa Bertò. Der dòt trèff hòt zoagt an bichtegen tritt ver de gschicht ver en projekt ver za learnen de earste musik en de lander va de Euroregion.

Pet an rif va zòmmòrbet zbischn de stòttn, der Euregio unterstizt naikaitn ver za pahòltn de musiklear van jungen, iberhaupt van sèlln as hom zbischn de 6 ont de 18 jor, a zait as runt bichte ist ver en verstea’ de musik en an iata gamoa’schòft. Ver dòn en vourder prochet, en Trea’t, sai’ vourstellt kemmen mearera musiklearvirm bail an trèff en beil as toalganommen hom de bichtestn auskennlait van musikschnaln van drai lander van Euregio - musikviarer, schualviarer ont learer, ont konservatorviarer aa. S ist arauskemmen as de autonomen provinzn va Trea’t ont Poazn ont der Land Tirol unterstiztn a musiklear en mearera virm. De Provinz va Trea’t zan paispil unterstizt bolten de lear va draizen privatschnaln as hom a toal kriterin: de sai’ mear abia 5000 de schualern as toalnemmen en de doin schnaln. En Sudtirol de musiklear ist de musiklear derekt va de Provinz unterstizt, ont en Tirol ist nou mear ònderst. Der rif van trèff ist der sèll gaben za verglaichern òlla de learvirm van lander van Euregio. En sèll moment aa hom de musizistn van drai lander van Euregio sechen galòk as de birkle braf sai’ pet an zòmmstrumentnkonzert en ausbende en Piazza Dante.

Letrattdinst kuriart van Euregio. Pilder no en Druckomt va de Autonome Provinz va Trea’t

Ver za nemmen aro de pilder drucken do: [bit.ly/48hUYX2](https://www.youtube.com/watch?v=IQOzYGcLW3E&t=3s)

<https://www.youtube.com/watch?v=IQOzYGcLW3E&t=3s>

Ibersetz gamòcht van Sprochtirl va de Tolgamoa'schòft Hoa Valzegu' ont Bersntol

(cdt)